

▼03/09/20-18MST

CNS6413

U GB 03-09 . 00136 BC815

-aab

MAHATHIR JADI TUMPUAN PADA PERSIDANGAN XEMUNCAX NAM
Mahathir - Liputan

JAKARTA, 3 Sept (Bernama) -- Perdana Menteri Datuk Seri Dr Mahathir Mohamad diberi liputan meluas oleh akhbar-akhbar utama di Indonesia semasa persidangan kemuncak Pergerakan Negara Berkecuali (NAM) di sini.

Harian terkemuka Indonesia, +Xompas+ hari ini menyiarkan pada muka depan gambar Dr Mahathir ketika menghadiri sidang pleno NAM semalam.

Akhbar itu juga menyiarkan pada muka depan kenyataan Perdana Menteri, pada persidangan akhbar mengenai pendirian Malaysia untuk terus menyuarakan pendapat walaupun kurang disenangi oleh negara-negara Barat.

Perdana Menteri merupakan antara hampir 60 ketua negara dan kerajaan yang menghadiri persidangan kemuncak NAM di sini.

Pada persidangan akhbar itu, Dr Mahathir dihujani dengan 47 soalan oleh wartawan asing dan tempatan. Beliau menjawab semua soalan. -- Lagi

▼03/09/21-22MST

CNS6414

U GB 03-09 00082 BC816

a a b

Mahathir - Liputan 2 (Akhir) Jakarta

Harian utama berbahasa Inggeris +The Jakarta Post+ memuatkan dengan panjang lebar kenyataan Dr Mahathir dan boleh dikatakan hampir semua akhbar tempatan lain menyiarkan kenyataan Dr Mahathir.

Sebuah lagi harian berbahasa Inggeris, +Indonesian Observer+ menyiarkan gambar Dr Mahathir sedang bersalaman dengan pemimpin Pertubuhan Pembebasan Palestin (PLO) Yasser Arafat.

Akhbar itu menyifatkan kedua-dua pemimpin antara tokoh-tokoh yang menjadi perhatian media massa pada persidangan kemuncak itu. -- Bernama

▼03/09/21-23MST